

БӨЛІМ: МҰҚАҒАЛИ МАҚАТАЕВ / ӨЛЕҢДЕР

## Еске алу

ЖАРИЯЛАНДЫ  
22.01.2023ТІРЕК СӨЗДЕР  
Мұқағали МақатаевСІЛТЕМЕ  
<https://bilimger.kz/129755/>

## ЕСКЕ АЛУ

...Келсең, кел.

Ұятыңмен, арыңмен кел.

Бойыңдағы жақсылық, барыңмен кел.

Биік бол, мендегінің бәрін меңгер,

Жабырқаған жанымды жаныңмен көр

Бірі ұнатып, біреуі жек көреді,

Мен қойғам адамдарға өкпелеуді.

Басқа жағдай көңілді көп бәледі,

Өкпе, наз дегендерің өткен енді.

Өмірдің заңы бөлек, жөні бөлек,

Несіне өкпелейсің, жөніңе кет.

Бықсып жатар өсектің қоламтасы

Еркінірек наздансаң еліңе кеп.

Ағайын, күлкің қайда, назың қайда?

Жарасқан бір-біріңе әзіл қайда?

«Қалған көңіл — шыққан жан» дегендейін,

Шынымен енді қайтіп жазылмай ма?!

Келсең, кел.

Әзілмен кел, назыңмен кел.

Жан жұмсартқан жайдары жазыңмен кел.

Не халде отыр екем, көзіңмен көр,

Аясаң, сезіміңді сезіммен бер.

Бәрінен айырылсаң өзіңнен көр.

Мұқағали Мақатаев

© 2026 Bilimger.kz Ақпараттық-танымдық білім порталы. Барлық мазмұн авторлық құқықпен қорғалған.